



Broj: 01,02,03,03/11-05-1-1673,2/18
Sarajevo, 31. 10. 2018.

IZVJEŠTAJ

s 37. sjednice Baltičke skupštine i 24. sastanka Baltičkog vijeća Vilnius, 26. oktobar 2018.

Zamjenik predsjedavajućeg Doma naroda Parlamentarne skupštine Bosne i Hercegovine (PSBiH) i zamjenik predsjedavajućeg Delegacije PSBiH u Parlamentarnoj skupštini Procesu saradnje u Jugoistočnoj Evropi (PSSEECР) Bariša Čolak i članica Delegacije PSBiH u PSSEECР-a Hanka Vajzović učestvovali su na 37. sjednici Baltičke skupštine i 24. sastanku Baltičkog vijeća koji su održani u Vilnjusu, Litvanija.

Sjednica Baltičke skupštine održana je u vrijeme obilježavanja 100 godina nezavisnosti baltičkih država. Na otvaranju sjednice obratili su se predsjednici parlamenata baltičkih država: predsjednik Parlamenta Republike Litvanije Viktoras Pranckietis, predsjednica Parlamenta Republike Latvije Inara Murniece i predsjednik Parlamenta Republike Estonije Eiki Nestor.

U svojim govorima predsjednici parlamenata istakli su značaj zajedništva baltičkih zemalja kao i napredak u jačanju stabilnosti njihovog regiona te da održavanje zajedništva pokazuje da su postavili ispravne ciljeve. Također su naglasili da se postiglo mnogo na kontroli potrošnje alkohola, zdravstvenoj zaštiti, obrazovanju i mjerama sigurnosti. Baltičke zemlje potpisale su sporazum o međusobnom priznavanju visokoškolskih diploma i uspostavile Baltički fond za kulturu. Zaključili su da je uspješna saradnja rezultat međusobnog povjerenja.

U nastavku 37. sjednice Baltičke skupštine razgovaralo se o regionalnoj sigurnosnoj strategiji baltičkih zemalja, zajedničkom regionalnom tržištu plina i električne energije, saradnji na smanjenju konzumacije alkohola, razvoju projekta željeznica Baltika i osnivanju fonda za kulturu.

U Zajedničkoj izjavi 24. sastanka Baltičkog vijeća navodi se da je NATO temelj njihove zajedničke sigurnosti i odbrane. Na teritoriji baltičkih država nalaze se četiri multinacionalna bataljona NATO-a spremna za odbranu njihove teritorije. Unapređenje vojne mobilnosti ostaje jedan od najviših prioriteta baltičkog regiona pa su spremni izdvajati za odbranu najmanje 2% BDP-a. Prema njihovom mišljenju, neophodna je čvrsta saradnja između Evrope i SAD-a kako bi nastavili razvijati odbrambene kapacitete. Također su naglasili da podržavaju sankcije Ruskoj Federaciji sve do uspostavljanja teritorijalnog integriteta Ukrajine. U Zajedničkoj izjavi Baltičkog vijeća ističe se jaka podrška evropskim aspiracijama zemalja Istočnog partnerstva i potvrđuje spremnost u pružanju političke i ekonomske podrške.

Jedan od najvažnijih infrastrukturnih projekata baltičkih država jeste baltička željeznica koja će doprinijeti privrednom razvoju ovog regiona. S obzirom da Estonija, Litvanija i Latvija imaju željezničke pruge iz sovjetskog perioda, potpisale su Sporazum o gradnji baltičke željeznice koja bi ih povezala s Finskom (i ostalim nordijskim zemljama) kao i zemljama Zapadne Evrope. Sporazum je potpisan prošle godine, a projekat treba biti završen 2026. Planirana vrijednost projekta je cca 50 milijardi pa se očekuje velika finansijska pomoć Evropske unije.

Obraćajući se učesnicima 37. sjednice Baltičke skupštine, zamjenik predsjedavajućeg Doma naroda Parlamentarne skupštine BiH i zamjenik predsjedavajućeg Delegacije Parlamentarne skupštine BiH u PSSEECp-a Bariša Čolak istakao je da je Bosna i Hercegovina, pod sloganom „Bolja povezanost za bolji život“, 1. jula 2018. godine preuzela jednogodišnje predsjedavanje PSSEECp-om.

Prema riječima g. Čolaka, prioritet predsjedavanja BiH bit će proces pristupanja Evropskoj uniji država kandidatkinja i potencijalnih kandidatkinja iz regiona. Istovremeno, g. Čolak je naveo da će četiri prioritetne oblasti predsjedavanja BiH biti: jačanje infrastrukturne i digitalne povezanosti unutar regiona; jačanje regionalne poslovne saradnje i povezanosti; nadogradnja povezanosti u sferi tzv. ljudske dimenzije – među mladima, kao i u obrazovanju i kulturi, te jačanje veza između učesnica SEECp-a i poboljšanje saradnje kako bi efikasnije odgovorili na sve savremene izazove s kojima se susreće region: migracije, borba protiv organiziranog kriminala i terorizma.

Sjednica je završena usvajanjem Rezolucije i Završnog dokumenta 37. sjednice Baltičke skupštine kao i izborom novog rukovodstva za 2019. godinu: predsjednika i potpredsjednika Baltičke skupštine te predsjedavajućih odbora i njihovih zamjenika.

Izveštaj pripremila:
Sekretarka Delegacije
PSBiH u PSSEECp-a
Jadranka Radović

Izveštaj odobrio:
Zamjenik predsjedavajućeg Delegacije
PSBiH u PSSEECp-a
Bariša Čolak

Dostavljeno:

- Kolegiju Doma naroda Parlamentarne skupštine BiH
- Kolegiju Predstavničkog doma Parlamentarne skupštine BiH
- Kolegiju Sekretarijata Parlamentarne skupštine BiH
- Komisiji za vanjske poslove Predstavničkog doma
- Komisiji za vanjsku i trgovinsku politiku, carine, saobraćaj i komunikacije Doma naroda
- a/a